


ACCIONNAN TA SIGUI AWE NA LANDSRADIO

BENNY NISBET TA TILDA MEP DI FALTA DI SINCERIDAD



DIARIO

DI ARUBA


Bo Matutino
Netamente Arubiano

DAVIERN 5 JULI 1985 AÑA 4, No. 1361

PRIVILEGIO PA JURAMENTA NA ARUBA

ORANJESTAD(AAN)—Ayer mainta na mariniers kazerne tabata tin juramentacion di dos oficial nobo di Marina Real Hulandes. Ta trata di juramentacion di Tweede Luitenant A. de Rooij y J. Bomhof. Despues di e juramentacion cu a tuma lugar dilanti varios dignitario, entre otro Comisario Interino sr. Walter Kramers representando Gezaghheber di Aruba, y su distinguida señora esposa, representante di Comandante di Zeemacht na Antillas y Chef staf Kolmarns y Sra. Hiemstra, comandantenan bao di mando di comandante di Zeemacht na Antillas y nan respectiva señora, Comandante Luitenant Kolonel der Mariniers G.G. Weenink a expresa palabranan di felicitacion.

El a mustra e dos oficialnan entre otro tambe cu indudablemente pa nan ta un privilegio pa ser juramenta na Aruba na unda nan ta forma parti di Marina Real cu un responsabilidad special pa Aruba y su poblacion. Un poblacion hospitalario y alegre cu actualmente ta pasando den un periodo dificil y cu mester di tur apoyo y cu balor mas grandi cu boso dedicacion", el a laga sa.



CUERPO DI OFICIALNAN DI POLIS A KEDA AMPLIA

ORANJESTAD(AAN)—Manera DIARIO a anuncia, e siman aki a yega Aruba, señor Alwin Reinier Nectar, kende durante e ultimo cuatro añanan a sigui un curso pa inspector di polis na Hulanda.

Naci na Bonaire, señor Nectar a traha basta aña den Cuerpo Policial na Aruba promer cu el a bay sigui su estudionan na Hulanda.

Di regreso, Inspector Nectar lo bay ocupa e puesto di Jefe di Surveillancedienst, funcion cu antes tabata na encargo di Inspector Nicolaas, cu kende señor Nectar actualmente ta core stage.

Despues señor Nicolaas lo bira jefe di Verkeersdienst.

Cuerpo Policial ta conta actualmente cu 7 inspector.



Ariba e foto aki por mira comisario interino Walter Kramers, Gezaghheber Bislipe hefe local di Polis, Inspector Alwin Reinier Nectar y Inspector Nicolaas durante un bishita di cortesia di inspector Nectar na Gezaghheber di Aruba.